

Суббота, 5 апрель 1941 ар  
28 № (839)  
11-тй АРЗЭ ПОТЭ  
Дуныз: толэзлы 45 коп.

# УДАРНИК

ВКП(б)-лэн М-Пургилской  
Райкомезлэн но Райсоветлэн  
органы.  
—(Адрес: с. М-Пурга, УАССР)—

## Тулыс бусы уж'ёслы вал'ёсты дасяно

Тулыс ю кизёнэз азинлы-ко быдэстон понна, солы дырыз дыр'я но котыр ласянь дасяськоно. Соин Чош ик вунэтоно ёвёл сое, что тулыс бусы уж'ёслэн азинлыкэз зависеть кароз солэсь, кызы быгатозы колхоз'ёс тракторной кужыме вал кужымен шонер сочетать карыны.

Кылем арлэн опытэз возматэ, что сычэосыз колхоз'ёс, куд'ёсыз трактор'ёсты сяна быдэсак использовать карыны вал'ёсты, тулыс ю кизёнэз вакчи дырын быдэстызы. „Янгалиф“, „Шормуч“, „Красная заря“ но данак мукет'ёсаз колхоз'ёсын вань ужан вал'ёсты тулыс бусы уж'ёсын быдэс нагрузкаен ужатйзы. Соин ик та колхоз'ёсын тулыс ю кизён вакчи дыр куспыв дырызлэсь азёло быдэстэмын вал, соос вылы урожай но бастйзы.

Нош Мошкинлэн нимыныз нимам но куд-ог мукет'ёсаз колхоз'ёсын быдэсак машинно-тракторной станция вылэ оскиськыса, вал'ёссэс дасямтэенызы но бусы уж'ёсын тырмыт использовать карымтэенызы, кизёнэзы быдэс толэзлы кыстыськызы, соин ик юнанызы но урод будйз.

Кылем ар'ёсы тулыс бусы уж'ёсысь вань тырмытэосты лыдэ бастыса туэ арын районьсытымы данак азьмынсь колхоз'ёс тулыс бусы уж'ёслы котыр дасянь, синмаськымон дасясько. Бадзым сюлмаськон вис'ямын вал'ёсты дасяны, востэт'ёсыз вал'ёс шутатскыны пуктэмын но сюдон умятэмын. „Юж-Пурга“ колхозын вал'ёс чылкыт, шунит, югыт гыдын сыло. Нуналэз вал'ёслы 5 килограмм пызы, 1,5 килограмм пыжем нянь но 6 килограмм турын сётиське. Вал'ёсты утылтон образцово пуктэмын. Сычэ ик „Янгалиф“ но куд-ог мукет'ёсаз колхоз'ёсын.

Таин Чош ик верано луэ вал'ёсты урод утылтамзы сярысь. Районысь тросэз колхоз'ёс вал'ёссэс тулыс бусы уж'ёслы уг дасяло, быдэсак трактор'ёс вылэ оскиськыса уло. Примерлы бастом Буденныйлэн нимыныз нимам колхозэз. Татын толбыт сямен ни вал'ёсынызы но кытын но уг ужало, нош вал'ёсы туж востэтэсь. Колхозлэн председателэз П. Косолев но конюх'ёс вал'ёссылэсь востэтэ луэмзэс валэктыны выро соин, что нянь, пе, ичи сётиськом. И соин соос туртско ватыны асьсэлэсь урод ужалэмзэс.

Татын вал'ёсыны нуналэз быдэн ньыль килограмм

чылкыт пызы сёт'яло. Со ичи ёвёл. Нош кызы сое вал'ёслы сюдо, соиз сярысь верано луэ. Зег куроез коратэк, паригь карытэк гинэ кезыт вуэн котгыса пызынало но яра, нош парильниксы буш сылэ. Вал сюдон тусьёсы тэркы кадэсь гинэ, отчы но жыныозяз йё кытылэмын. Вал'ёсты озы сюдыса тырлыкэс уднй жуты.

Конюх'ёс, соос татын 6 мурт, бордазы но кычэ ответственность но шодытэк ужало, колхозлэн правлениез соослэсь требовать уг кары, соин ик вал'ёсты утылтон но номырлы ярантэм урод пуктэмын. Сычэ ик ужы „Дружный“, Сталинлэн, Ленинлэн нимынызы нимам но куд-ог мукет'ёсаз колхоз'ёсын. Райзолэн заведующоюз Буддаков но старшой зоотехник Санников вал'ёсты утылтон'я сычэ урод положениез тодыса но янгыше усисьёслы пумит кулэ ужрад уг кудо, машинно-тракторной станциясы вылэ оскиськыса.

Тулыс бусы уж'ёс борды кутскытозь дыр трос ик ёзны кылы. Та кылем дырез быдэсак использовать кароно вал'ёсты дасяны. Ваньзэ ик вал'ёсты соослэн тазазыксы но упитанностьсыя группаос'я люкылоно, тужгес востэт'ёссэ шутатскыны пуктоно но умойгес сюдоно, чтобы бусы уж'ёс борды кутскытозь умой тырлыкы кароно.

Ваньзэ ик ужан вал'ёсты конюх'ёс борды юнматонно соослэсь требовать кароно, чтобы бусы уж'ёс борды кутскыку районь одйг вал но востэтэз медаз луы. Конюх'ёслы ужамзылы тырозы тупатонно вал'ёслэн йырлыдызья сяна соосты сюдэмзэс но утылтамзэс лыдэ бастыса. Буденныйлэн нимыныз нимам колхозысь старшой конюх Е. И. Миндерев кад'ёслы чуритэсь ужрад'ёс кутонно.

Трактор'ёс вылэ оскиськыса улон мылкыдэз чутрак быдтоно. Вал'ёсты умой дасяса бусы уж'ёсын тракторной кужыме вал кужымен шонер сочетать карыса ужано. Со сётоз луонлык тулыс ю кизёнэз вакчи дыр куспыв быдэстыны. Нош кызы тодмо вакчи дыре но организованно кизем—вылы урожай бюджетонлэн основной залогеныз. Соин ик партийной, комсомольской, советской работник'ёс но быдэс общественность вал'ёсты тулыслы дасяны бадзым саклык вис'яно луо. Комсомол—вал'ёслэн шэфенызы луыны кулэ.

## Сталинской лауреат'ёс



Паллянысен буре: писатель Шолохов Михаил Александрович СССР-лэн Наукасызлэн Академиезлэн действительной членэз. Лысенко Трофим Денисович, СССР-лэн Наукасызлэн Академиезлэн действительной членэз, Ленинлэн нимыныз нимам Сельскохозяйственной Наукасызлэн Всесоюзной Академиезлэн президентэз. Барсова Валерия Владимировна, СССР-лэн Народной Артисткаез, СССР-лэн Государственной Ленин Орден Академической Большой театрезлэн артисткаез. Капица Пётр Леонидович, СССР-лэн Наукасызлэн Академиезлэн действительной членэз. Филиппов Владимир Петрович, УССР-лэн Наукасызлэн Академиезлэн действительной членэз, экспериментальной офтальмологилэн Украинскы институтэзлэн директорэз. ТАСС-лэн Фотоэз.

## Граница съорысь ивор'ёс

### РУЗВЕЛЬТЛЭН ЗАЯВЛЕНИЕЗ

Печатьлэн представительёсыныз беседаын Рузвельт вераз, что американской вооружениез пунэмен яке арендае сётон сярысь законлэн соответствиез'я промышленной предприятияос 1 миллиард но 80 миллион доллар общей суммалы заказ'ёсты бастйзы ини. Заказать каремын армилы, военно-морской флотлы вооружение, пёртэм авиаци-

онной материал'ёс но мукет'ёсыз. Рузвельт собереяз пусйиз, что вань та материал'ёс одйг страналы гинэ предназначить каремын ёвёл.

Кычэ мераосты США малпа кутыны США-ысь келяськысь груз'ёсты возман понна вопрослы, Рузвельт вераз, что та вопрос изучать кариське на али. (ТАСС).

### Францилэн 1941 арлэн кыктэм 1 кварталэзлы государственной расход'ёсыз

Французской правительство ортчись арлэн 2-тй кварталэзлы бюджет юматйз. Зэмзэ но со бюджет ёвёл, государственной расход'ёслы гождйськем гинэ, государстволэн приход'ёсыз всеобщой дезорганизация но разруха сэрен точной учётлы сётскыстэм но неопределенной былзалаен кылёна. Бюджет люкиське обыкновеннойлы но чрезвычайнойлы. Нырысетйезлэн разходной люкетэз 22 миллиард 731 миллион франко суммаен выразаться кариське. Чрезвычайной бюджет (войнаен вызвать карем расход'ёс) 32 миллиард 763 миллион франк составлять каре. Татчы кулэ будэтыны бюджетэ пыртымтэ оккупационной армилэн содержаниезлы 36 миллиард франк'ёсты. Тазы, Францилы войналэсь бервыл'ёссэ быдтонэн герзам расход'ёс текущей государственной расход'ёсты кунь пол орточо. (ТАСС).

## США-ын забастовочной движение

США-лэн куд-ог промышленной район'ёсаз полиция Чемгес выступать кароно луэ забастовкаослы пумит. Американской печатьлэн ивортэмез'я, Нью-Йоркын „Аллегс Чалмер“ компанилэн заводаз 1 сюрс 500 мурт лыдын рабочий пикет'ёслы пумит полиция выступить кариз пожарной шланг'ёсты но слезбочивой газэн бомбаосты уже кутыса. Бастующой рабочийёс полициялы пумит'ясыкызы. 20 мурт сёсыртэмын, со лыдын кыяке полицейскойёс.

Та нунал'ёсы Харлан районьсы (Гентукки штат) горняк'ёс забастовать кары-

зы. Рабочийёс уждупзэс будэтыны но дунэн отпуск'ёс сёт'янез куро.

1 апреле дугдызы ужамысь Фордлэн но Ривер Ружлэн заводьсытыз 40 сюрс рабочийёс. Бастующойёс заводлэн территорияз кылды. Рабочийёс но предпринимательёс куспыв конфликт'ёсты урегулировать карон'я правительственной комиссия ивортйз, что Фордлэн компаниез рабочийёсын переговор'ёслы тупалоз, если соос кельтызы ке заводлэсь территорияз. Фордлэн Детройтын заводаз 20 сюрс рабочийёс забастовать карызы. (ТАСС).

### Торговой флотлэн ыштон'ёсыз сярысь английской даннойёс

Рейтер Агентстволэн даннойёсыз'я английской торговой флотлэн ыштэм судноосызлэн тоннажез, шорлыдын арня куспыв, 1940 арнын сентябрь толэзе составлять кариз 103 сюрс

тонна, октябре но ноябре—86 сюрс но декабре 70 сюрс тонна. Арнялы быдэ ыштон'ёслэн шорлыды 1941 арын мартлэн нырысь 3 арняосаз 84 сюрс тонна составлять каре. (ТАСС).

### Венгриины калык-лы переписьлэн итог'ёсыз

Германской информацией бюролэн Будапештысь ивортэмез'я, венгерской печать публиковать каре Венгриины калыклы ортчятэм переписьлэсь итог'ёссэ. Со даннойёс'я Венгриины 13.638.839 мурт лыд'яське. (ТАСС).

## ПАРТИЙНОЙ УЛОИ

Партийной орган'ёсы быр'ёно  
умойёссэ, эскерем большевик'ёсты

Чуказе районамы кутско кивалт'ёсы партийной орган'ёсты быр'ён'ёс, соос ортчытэмын луозы 25 апрел'ёзь. Отчетно-выборной кампанилы дыр'ёжит вис'ямын, соин ик партийной организациослэн кивалт'ёсы сылэсь со кулэ каре партийной собраниослы мылысь-кыдысь, зеч дасяськемзэс. Кивалт'ёсы орган'ёслэн отчет'ёссы но соосты быр'ён'ёс партийной организациослэн улонаны луэ важнейшой политической кампаниен. Со сокем азинлыко ортчытэмын луоз, макем умой пуктэмын луиз собранилы дасяськон уж'ёс но кызы тодматскемын луозы коммунист'ёс быр'ён'ёслэн задачаосынызы но порядокенызы.

Кылем аре орчем отчетно-выборной кампания дыр'ёсен партийной организациосы пырызны егит коммунист'ёс, соос нырысьсэ участвовать карозы асьсэлэсь кивалт'ёсы орган'ёссы быр'ёнын. Соин ик быр'ён'ёслэн порядоксы сырысь-валэк'ян, егит коммунист'ёсы ВКП(б) ЦК-лэн инструкциеныз тодматон—котькуд партийной кивалт'ёсыслэн одно ик быдэстоно задачаез луэ.

Данаказ первичной партийной организациосын отчетно-выборной кампанилы дасяськыса собраниос ортчылтызы ни. Та собраниосын коммунист'ёс мур-мур тодматко ВКП(б) ЦК-лэн инструкциеныз но пус'ё конкретноеь мероприятиос асьсэлэн ужысьтызы тырмытэосты быдтон вылысь.

Первичной партийной организациослэн секретарьёс-

сы отчетной доклад'ёс гожтыса дасяло, орчем партийной собраниосын кутэм решениослэсь быдэсемеэс эскеро. Первичной парторганизациослэн кивалт'ёсы сылы юрттэт сётыны понна ВКП(б) райкомлэн член'ёсыз, инструктор'ёс юнматэмын.

Партийной орган'ёсы быр'ён'ёс ортчытэмын луыны кулэ партилен XVIII с'ездэзлэсь но XVIII конференциезлэсь решениосэ быдэсьямез мур эскерон улсын, та арлэсь народнохозяйственной планзэ азинлыко быдэстон понна нюр'яськонэ массаосты мобилизовать карон улсын.

Партийной организациослэн важнейшой задачаенызы луэ кивалт'ёсы партийной орган'ёсы быр'ён тырмыт эскерем большевик'ёсты, асьме партимылы беззаветно преданной, коммунизмлэсь ужзэ пумозяз защищать карыны быгат'ёсы мурт'ёсты.

Вань партийной организациос асьсэлэн задачаенызы пуктоно луо: валэктон ужез паськыт вёлмытэм вамен отчетно-выборной собраниосы коммунист'ёслэсь лыктонзэс 100 процентлы обеспечить карыны; паськыт вёлмытоно критикаез но самокритикаез; организовать кароно колхозник'ёслэсь но совхозысь ужас'ёслэсь производственной жутсконзэс вылы урожай понна нюр'яськонын, пудо вордон ужез умоятонын но вань хозяйственной уж'ёсты, нюлэс дасянез но сюрес лэсьтонэз, быдэстонэ.

Ф. Осонин.

Парторган'ёсты  
быр'ён азын

„Янгалиф“ колхозысь первичной парторганизациослэн берло собранияз парторган'ёслэн отчетсылы но соосты быр'ёнлы дасяськон сырысь ужпум эскерэмын. Мур, намаз-намаз пункт'ёс'я разобрать карызы партийной орган'ёсы быр'ён сырысь инструкциез но пусызы быр'ён'ёс дырозь быдэстыны конкретной уж'ёсты.

Первичной парторганизациосы коммунист'ёс басыт'ёзы обязательство парторган'ёсты быр'ёнэз кутскытозь тулысь дасяськонсысь вань тырмытэосты быдтыны, вань кыдэз бусые поттыны, пень бичанэз организовать карыны но пудо уялтонэз умоятыны.

Колхозник'ёс пёлын агитационно-массовой ужез, нимысьтыз ик ВКП(б) ЦК-лэсь но СССР-лэн СНК-эзлэсь колхозник'ёслэн ужамзылы ватсаса тырон сырысь постановленизэс валэктонэз, умой пуктыны добровольной обществуослэсь ужзэс.

П. Мерзлянов.

\* \* \*

„Юж-Пурга“ колхозысь первичной партийной организациосы коммунист'ёс предвыборной партийной собраниязы мур-мур тодматскизы ВКП(б) ЦК-лэн инструкциеныз, басыт'ёзы вылазы обязательство нюлэс дасян планзэс дас апрел'ёзь быдэстыны, тулысь дасяськонсысь тырмытэосты быдтыны, агитационно массовой у ж е з кужмятомы, котькуд колхозниклэн сознаниозяз вуттомы СССР-лэн СНК-эзлэсь но ВКП(б) ЦК-лэсь колхозник'ёслэн ужамзылы ватсаса тырон сырысь постановленизэс.

Т. К.

Слобода гуртын (БССР, Барановичской область, Столбцовской район) кылдытэмын „Перемога“ и имо выль колхоз. Колхозник'ёс кутскизы ини ужан тырлык'ёсты, вал'ёсты, пудо сюдон'ёсты но кидысэз огазены. Дасясько тулыс ю кизён азелы.



СУРЕД ВЪЛЫН: колхозлэн правлениез принимать каре огазеем сельскохозяйственной инвентарьёсты но вал'ёсты.

Осоавиахимлэн дас витей  
лотереяз

Осоавиахимовской организациослэн но Осоавиахимлэн Центральной Советэз лэн ходатайствозыя СССР-лэн Народной Комиссар'ёсызлэн Советсы 1941 арын 250 миллион манет'ем одиг манет, куинь манет, вить манет но дас манет достоинствоен Осоавиахимлэсь дас витей лотереязлэсь билет'ёссы реализовать карыны разрешить кариз. Билет'ёсты вёлдонлэн срокез—одигетий майысен дас витей августозь.

Дас витей лотереязлэн реализациезлэн вань средствоосыз Осоавиахимлэсь массовой оборонной ужзэ юн-

матонлы луэ. Билет'ёсты реализовать карон осоавиахимовской организациосын трудящийся пёлын быдэсак добровольность улсын орточоз.

Дас витей лотереязлэн билет'ёсыз'я шудэмын луозы 310250 утон'ёс 31. 250.165 манетлы. Утон'ёс пёлын—автомобильёс, мотоциклет'ёс, пианоноос, радиолаос, радиоприемник'ёс, фотоаппарат'ёс, велосипед'ёс, патефон'ёс, костюмлы но пальтолы отрез'ёс, карманной но ручной час'ёс.

Выигрыш'ёслэн тиражызу туэ аре ноябрь толзэе луоз. (ТАСС).

## ПИОНЕР'ЁС ПЕНЬ БИЧАЛО

Ильинской НСШ-ысь пионер'ёс Мошкинлэн нимыныз нимам колхозлы вылы урожай басытоназ юртт'ёско. 2 №-ро но 1 №-ро отрядысь пионер'ёс 16 центнер пень бичазы. Пень бичан али но

мынэ на. Дышетсконсы азымын'ёсыс К. Абалтусова Л. Матвеев, И. Абалтусов, М. Петрова пень бичанын сюлмо ужало.

Т. Тетеревинова.

## Колхоз'ёслы агрономической юрттэ

## Кормовой база кылдытоно

ВКП(б)-лэн XVIII Всесоюзной конференциез сельской хозяйство азе пуктиз задача 1941 арын общественной пудо вордонэз будэтыны: суро таза пудоез 19 процентлы, со пёлын кысконо скал'ёсты 24—25 процентлы, ыж'ёсты—23—24 процентлы, парсьёсты—38 процентлы но вал'ёсты 9—10 процентлы.

Та задачаосты быдэстон балзым роль басытоз пудо сион базаосты тырмымон кылдытон но сое шо-нер уже кутон. Пудо сион базаосты кылдыгонын бадзым инты басытыны кулэ корнеплод'ёсты кизён. Соин ик котькуд колхоз'ёслэн правлениеосы, фермаослэн заведующийёссы туэ аре корнеплод'ёсты кизёнлы но соослэсь удалтонлыкэс жутонлы нимысьтыз сюлмаськон вис'яно луо.

Пудоез корнеплод'ёсын сюдыса юнма пудолэн организмез, жутске упитанностез, нош пивал пудо жог развиваться карыське но бадзым привес сётэ.

Колхоз'ёс корнеплод'ёсты тырмыт дасяса кужмо сион'ёсты трослы шыр'яны быгато. Со сына скал'ёсты корнеплод'ёсын сюдыса пёлы трослы йылэ. Соин ик котькуд колхозын котькуд фуражной скаллы 2—2,5 тонна корнеплод'ёс дасяно.

Корнеплод'ёсты кизён  
муэз обработать карон  
но кыедан

Пудо сюдон корнеплод'ёслэсь урожайностьсэс жутон понна кулэ нырысь ик кизён муэз умой обработать карыны. Муэз дасяно сизылысен сое лущить карон бордысен кутскыса. Кын улэ тырыса кельтэм муэмеэз тулыс усыяно со бере 12—14 сантиметр мурдалаен культивировать кароно. Нош муэме туж юн пуксемян ке сое тулыс вылысь быдэс мурдалаез'я гыроно.

Корнеплод'ёс муэмеэс тро: питательной веществоосты басыто, соин ик муэмеэз одно ик кыедано луэ. Кыдэз поттоно таче нормаен: подзолистой супе-

щанной яке суглинистой муэме гектараз 40 тонна, плодородной муэме 20 тоннаен но тырмоз.

Кыдэз поттоно таче дыр'ёсы: капчи муэме кыдэз поттыны умой луэ муэмеэз кизён азын обработать карон улэ, нош секыт муэме кыдэз поттыське зяблевой гырон улэ. Кыдэ ву поттыське вазь тулыс гектаре 15—20 тонна. Муэмеэз удобрить кароно кыдээн сына минеральной удобрениосын. Сильвинитэз но фосфоритной пызез пазяно сизылы заблевой гырон улэ гектаре таче нормаен: сильвинит 3—4 центнер, фосфоритной пызь 6—8 центнер. Калийной сылал пазяське тулыс нырысьсэ усыян улэ, гур пенеэ пазяно тулыс нырысетйэз культивировать карыку гектаре 8—10 центнер.

## Корнеплод'ёсты кизёно

Вань корнеплод'ёс кизысько щирокорядной способен, рад кусып'ёссы 60 сантиметр тупатыса. Пудо сюдон кушманэз гектаре кизёно 15—18 килограмм, кидыслэн потонлыкэз 75—80 процент луон дыр'я, турнепсэз—4—5 килограмм

но чуж кушманэз кизёно 5—6 килограмм.

Кидысэз сэгонлэн  
мурдалаез

Пудо сюдон кушманлэсь кидысэ капчи муэмеэс согоно 4 сантиметр мурдалае, секыт муэмеэс 2—3 сантиметре. Брюква, турнепс но горд кушман кидыс'ёсты согоно 1—2 сантиметр мурдалае.

Кизем корнеплод'ёсты  
утялтон

Кизем корнеплод'ёслэсь рад кусып'ёссы бугырес возёно, жаг турын'ёсты урылоно. Рад кусып'ёсты нырысьсэ бугырес кароч орчытоно корнеплод'ёс жужаны кутскыку.

Нырысьсэ бугырес карем бере будос'ёсты шератон орчытоно. Будос'ёслэсь кусыпсэс кельтоно 25—35 сантиметр, нош чуж кушманлэсь 18—22 сантиметр. Нырысьсэ шератон дыр'я одиг люке кельтоно 4—5 будос. 5—6 нунал орчыса кыктэйтэ шератон орчытоно. Соку ини котькудэ будосэз намаз вис'яно но умой таза будысьсэ гинэ кельтоно.

Н. Маурин, райзолэн  
главной агрономез.

## Примерной избач

Гожнинской изба-читальнялэн заведующее Н. Фокин эш культураез гуртэ пычатон борды сюлмо кутскиз. Со ас ужаз данак азинскон'ёсты басыт'ёзы ни. Изба-читальняын ужало агротехнической, зоотехнической кружок'ёс. Умой оформить карыса поттыльське бордгазет. Берло номерез Всесоюзной сельскохозяйственной выставканын участвовать карон понна социалистической соревнованиез вёлмытонлы сизе-мын.

Изба-читальняез солэн чылкыт, шулдыр. Стенаос плакат'ёсын, лозунг'ёсын чебер'ямын. Фокин эшлэн семяен пуктэмын луыны кулэ районсысь вань изба-читальняосын уж.

М. Желтинова.

Редактор—В. Тимофеев.